

1 Tesalonaika

1 ¹I dere așeta, ę Pol-né dapó. Sailas-ró, Timotitamokélé da fea bețamó bituraalu, diă Tesalonaika be huluamó betó mole Keriso so whıpaae i dapa wosae. Diă Keriso fake Aya Kótóró Tale Yesu Kerisotamoné ala tuamó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo diă tuamó mulópoló yae.

Tesalonaika so whı Talepaae tué tiki tiró betepa, Pol-né mo kée yale fo

²Diă fea dané kutiri tuamó muó taru, mo kée yóló Talepaae moma dere ala haęe yó tarapó. ³Atéró, Aya Kótóné keletómó moma yó tare alata, diaaę kisipa tiki tiró betere alané kaarale kutórapekélé, kọlené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuamó wisi ala mupa kelaalopóló kisipa mutu, hókélé ini, haęe eró tare alamókélé, mo kée yóló Talepaae moma du beteraşpó.

⁴⁻⁵Kótóné yaala sókó fu betere norape-ó, Talené diă fopeyóló sókó suyóló beteroş betereşei, dané tuęrapó. Ti noatepae, mió wosetere kisi fo wisi dané diapaee Kótóné fotokótamo yó matepa diąné woseturaalu, haęe tó tikiné maaté wosetere ala inipó. Mo bete mole fopóló Deş Kepe Wisi diă tuamó faayóló şureşeiné diaaę hosaa betemó saleşpó. Diă wisiyóló beteroşpóló kisipa mutu, da diątamo betaşeişei diąné ai kisipare ape. ⁶Atéturaalu, daşpaekélé, Talepaekélé, dua yale dowi sekeş ala kaae, diapaekélé erótua yaleşpó. Atéşepatei, me ęla meipóló hepée şaae faróló, Deş Kepe Wisişiné matere haştere ala mulu, kale fo wisi mo wisiyóló wosetu betaşpó. ⁷Atére ala Masedonia hae kwiaró Akaia hae kwiatamomó Yesupaee kisipa tiróló beteraşpó dere fo wosetu, atimakélé, atéroş betaai dapóló kisipa mualeşpó. ⁸Talené ama fo wisi, diă betere tikimó kaayóló, Masedonia hae kwiaró Akaia hae kwiatamopaekélé yó melaté fóló fakeraşpó. Atéturaalu, diă Tale Kótópaee kisipa tiki tiró beteraşpó dere fo hae kwia feamó betó mole so whışné wosaleşpó. Atéyaşeişiné dané me kae enéşipó. ⁹Ti noatepae, ai be huluamó betó mole so whış diaaę da wisiyóló dape sale ala atimaşeişei mepaee so whıpaee yaleşpó. Diă kapala kótóné ala erótu betaşeişei şaaróló, ti betere Kótóné ala eraai waleşpó. ¹⁰Atéru,

ama kepaaróló hepen-mó betero betere Naale wópóló kaae tawóló beterapó dere fokélé so whi feané wosalepó. Ti ai seké Aṭa, Kótóné fopaae buturaalu kwia melaaire ala dāpaae eraṣóró, tao su betere whi Yesupó.

Pol Tesalonaika be huluamó fo yó maté kwęale fo

2 ¹Norape-ó, take dā diṭamo sawa haḷeke sukamó bitu, eraai wale ala haṣókó feni, mo eraletei diaaḡ ai kisipare ape. ²Take diaaḡ bepaee waai, Filipai be huluamó betepa erale sekęi alaró, halerale alatamo diṭané kisiparapó. Tépateti, ḡané Aya Kótóné dā tao su betepa, halaainé diṭapaae ama fo wisi yó mótu betalepó. Ai ala du betere mó, mepaae whiṭrapené dā daai ketekeḡ butepatei, wiyóló taaréni, haḷe yó matere ala betā du betalepó. ³Ti noatepae, ḡané diṭapaae du betere bete mole fota, hoḡo ala tuḡmó kaayóló ini, mopóló diaaḡ sya faasepóló dapó. I foné diḡ dilikóló me ḡla saai ó diḡ doraaire kisipa muluraalu dumi, motóró i dere ape. ⁴Téni, Kótóné ama fo wisi yó melópoló, dā ama fopeyóló sóró betero betepa, ama fo wisi ḡané diṭapaae i yó mótu betere ape. ḡané i du betere ala, mo whiṭrapené kilitu, wisi ala dapóló dā dukirópoló dumitei, ḡané hosaa tuḡmó mole ala kḡae keletere Kótóné kolóló, wisirapó yópoló du beterapó. ⁵ḡané diṭapaae Kótóné fo yó móturaalu, diṭané me ḡla ḡla saai dapóló fonétei diḡ haḷe mulóló, dilikiniyale ala diaaḡkélé kisipa yóo, Kótónékélé kisipa yóo erapó. Ti noatepae, ḡané du betere ala feata, Kótóné ama kele tómótóró du beterapó. ⁶Ti ḡané i du betere alata, diaaḡ ó mepaae whiṭrapenekélé wosóló dā dukirópoló dumipó. Ti ḡata, Kerisoné ama sóró betero betere yó matere whiṭrape bituraalu, dā fiyaaire be ó naaitere ḡla diṭapaae tao sae yaalopóló yaletei, diḡ sekę yaṣóró kisipa mutu taaralepó.

⁷Téturaalu, betā soné ama naale senaale awā nópóló dua bitu dere kaae, dā diṭamo naameiné dua beterepó. ⁸ḡané diḡ yaala sókó fole ala mo turó mulu, Kótóné kisi fo wisi yó matere ala maaté ini, diḡ tao saai wisi kisipatamo ḡané betere betekélé malepó. Ti noatepae, diḡ ḡané hosaa mo turó mole ne no alée feleteinépó. ⁹Norape-ó, dā diṭamo bituraalu yale alarape fea kisipa muae. Kótóné fo wisi yó mótu bitu, mepaae ḡané naaire ḡla ó be diṭapaae maaté sekę eraalomeipóló kisipa mutu, ḡtamokélé, dikitamokélé, ḡanétei doasi depe tukó wei ala du betaletei diaaḡ ai kisipare ape.

¹⁰Tétu, diḡ kisipa tiki tiró betere so whi tuḡmó dā betale ala diḡnekélé Kótónékélé, kolóló ai kisipare ape. Kótóné ama sóró kae betero betere whiṭrapené dere ala yóo, mo donoi ala maaté dere whiṭrape betóo, me dowi alakélé munire whi betóo, erepó. ¹¹Ti noatepae, whi betḡné ama naale senaale kaae tatu dere kaae, ḡané diḡ dokó fea atéro kaae taté fu betalepó. ¹²Até yaletei diḡ Kótóné ama teṭeróló kaae tare alaró ama kae ere ala wisitamo tuḡmó betaai ape yalepó. Atéru, ai sekéné mo ama so

whi sũ beteroꝑóló kisipa mutu, ðané ðiã fotokꝑóló ketekeꝑ bulatere fo yóo, sekei alané só deraꝑsóró haĩratere fo yóo, duraalu, seꝑere ala du betaleꝑó.

¹³Téturaalu, miókélé Kótópaee mo kée yó tare alata, noa betené meipó. Ðané ðiãpaee yó matepa, wosetu betale fota, mo whiné fo yó matapóló kisipa muni, Kótóné ama fotóro yó matapóló hosaamó saleꝑó. Ai fota, ðiã tuẽ tiki tiró betere so whi tuãmó muluraalu, ai fonétei Kótóné ama kisipa mole erótu beteraꝑó. ¹⁴Norape-ó, Judia haemó Yesu Keriso tuãmó betere Kótóné fake so whiãpaee erale sekei alamó kisipa muae. Ti atimapaee ai erale susupui alata, atima Juda fakenétei eraleꝑó. Atétu yale kaae, diaaꝑ be whinétei, ðiãpaee kélé ai alatóro eraleꝑó. ¹⁵Ti ai Juda whiãrapenéta, Tale Yesu Keriso dóo, Kótóné ama kꝑló whiãrapekélé dóló kemeróo, ðãkélé i fo wisi atimapaee yó melaꝑsóró hꝑkó falóo yaleꝑó. Juda fake mei, kae fake so whi mo ti aluyaꝑsóró Kótóné tao sóꝑóló ðané atimapaee kale fo wisi yó mótu betepatei, atimané sesétu betaleꝑó. Atétere alané so whi featamo bóe dóo, Kótókélé fopaae bulóo, yaleꝑó. ¹⁶Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaai doasi ketekeꝑ butu betale ala kemerãle wouraalu mo ai melale ape.

Pol a Tesalonaika so whi kele fenée du betaletai

¹⁷Térapa norape-ó, ðata ðiãtamo betãmó betaai yalemó, bóe dóló foya yaletiné ðã kae betóo, ðiã kae betóo, ai ere ape. Téretei, ðané ðiã kisipa keteró bitini, haĩle kisipa yó tarapó. Téruraalu, ðané ðiã kelenée yóló kisipa mutu, ðiã beterepaee waaire tu kikitu betale supó. ¹⁸Ti noatepae, ðã ðiã beterepaee waii dapóló e Pol-né tu dekeró kikitu betaletai, Satané ðã waaire tu seséyaleꝑó. ¹⁹⁻²⁰Ti noatepae, take waaire alimó wisi ala kelaai dapóló haĩné sukutere beteta, me ɔla kae mei, ðiãtórótípó. Tale Yesu a waaire sukamó ðã fea aꝑamo betãmó betó muluraalu, noa ala epa kilitu ðã haĩné sukóló bopé fake yaaloé? Ti atéro haĩné sukóló bopé fake yaaitere alata, ðiãtóró kilitu, doasi doi sóro haĩné sukãalopó. Atéro, mepaae ɔla wisi saairaalu whi fea sururu yóló foletai, betã folosóro sókó fole whiné topo tao sóro hẽkesené sinitu bopé faketu dere kaae, ðané kélé ðiã kilitu atei kaae ala yóló, mo kée yaalo ai ape.

3 ¹Téro ðã Atenis be huluamó betó mulu, ðiã netéro beteroꝑóló, ðã whaaliatu betaleꝑó. Tétu, ðãsisi taleyóló ðãmo i Atenis bemó bituraalu, Timoti ðiã beterepaee ai doteyale ape. ²Ðané no Timoti aꝑa, Yesu Kerisoné mió i wosetere kisi fo wisi so whiãpaee eróló fakeraté fꝑpóló, ðãtamo betãmó bituraalu, Kótóné kutó diratere whiꝑó. Ti ai seké ðiã beterepaee dotonatereteita, haĩle meipó. Diaaꝑ kisipa tiki tiróló betereitei, mió ai wou betere sekei alarapené haepaae só deraꝑsóró a ðiãtamo bitu, ðiã fotokꝑ bulatere ala yꝑpóló ai dotonale ape. ³Mió ðã feapaae i erótu betere sekei alarape, mené ðãpaee eratepa, beleyóꝑóló

Talenétei tukóló muló beteretei diaaꝓ mo kisiparapó. ⁴Ti i dere fota kapala mei, daꝓ take diꝓtamo bituraalu, doasi sekꝑi ala mo waalopóló diꝓpaae inié? Ai yale fo motóró dokonóturaalu yale alata, diaaꝓ mo wisiyóló tuꝑrapó. ⁵Atétere betemó, diꝓné kisipa tiki tiró betere ala netéreró, ai sekꝑéné keꝑe wópóló ai dotonale ape. Ti noatepae, kópaae fópóló dée nalatere sekꝑéné diꝓ dée nanóló, daꝓné diꝓpaae erale alarape haꝑe besekéróló doralemóló whaaliatapa keꝑe wópóló kale sekꝑé ai dotonale ape.

Timotiné ene wale fo wosetu, Talepaae mo yaleteti

⁶Téyaleteti, Timoti momó daꝓ beterepaae fesaae wóló i betere ape. Atéro ama diꝓ betere alaró, diꝓné tuꝑ tiki tiróló yaala sókó fole alatamo du beterapó ene wale fo wosetu, daꝓné mo kée du beterapó. Ai sekꝑé aꝓ mo miótóró daꝓ beterepaae sókó wóló i fo yalepó. Betere dokꝓ fea diꝓné daꝓ tuꝑ yó taru, wisi kisipa muóló betóó, daꝓné diꝓ keꝑe wolée du betere kaae, diaaꝓkélé daꝓ keꝑe fenée du beterapóló daꝓpaae ene wóó, yalepó. ⁷Norape-ó, diꝓ atétu beterapó dere fo wosaletéiné daꝓ imó bituraalu, kae kae susupui alaró, sekꝑi alatamo wou betepatei, diaaꝓ kisipa tiki tiró beterapó, dere fo woseturaalu, daꝓné hosaa muni deyóló, mo kée fo du beterapó. ⁸Ti noatepae, diꝓ Talené ala tuꝓmó mo diriyóló bitiré waleteti, miókélé haꝑe betótóró tarapó, dere fo woseturaalu, mo kée yóló daꝓkélé haꝓné sukutu beterapó. ⁹Daꝓ Kótóné keletómó bituraalu, diꝓné du betere ala kolóló haꝓné sukutere ala mo turó faꝓanapó. Atére alamó, Kótópaae mo kée dere fo yaairetei sunipó. Ti noatepae, haꝓné sukutere ala daꝓ tuꝓmó mo sꝓrú beterapó. ¹⁰Diaaꝓ tuꝑ tiki tiró betere tuꝓmó, mepaae yaꝓaꝓe alarape diꝓ tao sóró yó male waai, dikitamokélé deꝓtamokélé daꝓné mo dirii moma yó tarapó.

¹¹Térapa, mió daꝓ diꝓ beterepaae waaire tuꝓa, daꝓné Aya Kótóró Tale Yesutamoné alerópóló yae. ¹²Daꝓné diꝓpaae yaala sókó fu dere kaae, diaaꝓ yaala sókó fole alakélé, mo ti faꝓayóló weꝑi feleyóló futere kaae yópóló, diꝓsisitei u yó mótu i yó mótu du betae. Téturaalu, mepaae so whiꝓpaae yaala sókó fole alakélé Talené amatóró erópóló yae. ¹³Tale Yesuró ama kae betéro betere whiꝓrapetamo wale sukamó, daꝓné Aya Kótóné keletómó me ala munipa kilitu, mo ama kae betere so whiꝓpóló, Kótóné amatei diaaꝓ hosaa dirirópóló yae.

Kótóné daꝓ betere ala kilitu, aꝓ heꝓeseyópóló etéro betae yóló dere ma fo

4 ¹Norape-ó, daꝓné diꝓpaae kemeróturaalu dere fo i ape. Kótóné keletómó wisirapó yópóló, etéro betae yóló take daꝓné diꝓpaae yó mótu betalepó. Ai yale fo mo dapóló diaaꝓ wosóló eraté ai wou betere ape. Daꝓ fea Tale Yesu tuꝓmó bitu, ai du betere alatóró fakerae yóló, mió daꝓné diꝓ ketekꝑe bulatere fo i dere ape. ²Ti noa betené meipó. Tale Yesuné

fea ala amatóro sumó teteróló kaae taru, dapaee erae depa, danémo diapaae i ala yae yóló, yó mótu betale forape diaaḡ ai tuḡere ape.

³Atéreteiné, diḡ fea dowi ala mo betakélé muni, mo kae so whiḡ beterópóló Kótóné ama kisipa mutu beterapó. Térené, whiné so qlémi nokole alakélé, soné whiḡ qlémi nokole alakélé, diapaae yaḡse yóló dapó. ⁴Térapa, diḡné kisipa tiki séle séle wisiyóló teteróló kaae tare ala mo so whinékelé, Kótónékelé kilituraalu, mo kae betero betere so whiḡ beterapóló dukirópóló diḡné tó tiki diaaḡtei wisiyóló kaae tawae. ⁵Kótó tuḡeni, mo haḡle betere so whiné, au nóló qlémi naairaalu ekeḡle dere ala kaae yaḡse. ⁶Ti atéro qlémi nuku betere alata, me whiné kelaalomeipóló kinóló naao no qlémi nó matere ala mo yaḡse. Atei dowi ala deremó, Talené doasi kwia melaalopó. Téyaḡsóró, atei kaae ala momókó yaḡse yóló, take dané diḡ kisipa mulóló ma fo ai yale ape. ⁷Ti noatepae, wisi alaró dowi alatamo hosekéyóló beterópóló Kótóné ḡa ḡ beterepaae ape fo ini, mo ama kae so whiḡ beterópóló ape yalepó. ⁸Térapa, whiḡ me denétamo i du betere ma fo woseni nisiyóló hórótu betepa, ti mo whiné dere fo hórótumitei, diḡ Deḡ Kepe Wisi mótu betere Kótóné fotei hórótu beterapó.

⁹Téro, diaaḡ mo notamo dere kaae hekesené sinóló yaala sókó fu betere ala yópóló, Kótónétei yó male ala diḡné kisiparapó. Atérené dané diapaae me noa fo kae aḡ yaalomeipó. ¹⁰Ti aita, mo dapó. Masedonia hae kwiamó betó mole Keriso norapepaae diaaḡ yaala sókó fu beterapó. Tépatei, ai ala mo ti fakerae yóló dané diḡ ketekḡ bulatere fo i dere ape.

¹¹⁻¹²Diaaḡ betere dokḡ du betere ala fea mo haḡle betere whiḡrapené kilituraalu, atimané i du betere alata, mo wisirapó fo yópóló yae. Diaaḡ yaḡaḡtu betere ḡla me whiné melópólópó yóló dekaýóló haḡle bitini, diḡ mo dua bitu kae depe tukó wei ala du betae. Dané diapaae yae yóló, yó male alatóróti sya fóló mené yaaire alamó kisipa muni, diaaḡ yaaire ala betḡ kisipa muóló du betae.

Tale wouraaalu yaaire alamó ere fo

¹³Norape-ó, sukḡle so whiḡ atima neté yaalorópó yóló, kḡló kḡló du betaḡsóró, diapaae i dapa wosae. Take waaire alimó mo wisi ala kelaalopó yóló kisipa muóló, haḡné sukutu betae. Mo so whiḡ ai ala kisipa muniru, doa deḡné sini molótu dere kaae, diaaḡkélé yaḡsóró kisipa mutu dapó. Ti atimané wole dere alata, ama kaepó. ¹⁴Yesu mo ti sukḡletei, momó kepaayóló beterapó dere fo dané woseturaalu, tuḡ tiki tiró beterapó. Atéreteiné, mepaae Yesuné ala tuḡmó betepa, sukutere so whikélé, Yesutamo betḡmó Kótóné dapesó waalopó ere fomó ḡa kisipa tiki tiró beterapó. ¹⁵Talené dapaee i ala eraalopóló ere fo danémo diapaae i dapa wosae. Tale waaire be deḡ teópatei, sinale so whiḡ taaróló, ḡa sukuni haḡle betó mole so whiḡrapepi folosóró faalomeipó. ¹⁶Ti

noatepae, Tale aťóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso betéré sinale so whĩpi turukó holaalo ai ape. ¹⁷Atéyale sisópaae ti da sukuni hałe betó mole so whĩ tokó sóró, saķo tuamó atima sinale so whĩtamo hokolaayóló, fea touyóló huturaalu, hałe tó tuamómo Taletamo hokolaa yaalopó. Atéro holóló, suka fea da Taletamo betamó mo titóro betó tawaalopó. ¹⁸Atéyaalopa, i dere foné, diā fotokó butere ala yópóló diāsisitei u yó mótu i yó mótu du betae.

5 ¹⁻²Térapa, norape-ó, waaire ali ó be đerape diāné kisipa inipapakó, đané diāpaae asęyaalomeipó. Ti noatepae, Tale waaire be đęta, dikitamo ęłemi nokole whĩ woutere kaae yóló waairetei, diaaę mo diriyóló ai tuęre ape. ³Mo so whĩné duraalu, “Đapaae me ala eraalomei, mo dua beterapó,” fo du betepatei, betā soné naale saai, sisó nukutere kaae, atimapaekélé eraalopó. Téturaalu, be ęla ęla doratere ala mo hapale tétitóro sókó wóló, kilita eraalo ai ape. Atéyaaire alata, mo haşókó faalomeipó.

⁴Téyaalotei, norape-ó, diā diliki dolomó mokęleyaayóló betepapakó, ęłemi nokole whĩ sókó walemó me whĩ kilita sókó fu dere kaae, diā atéro kilita sókó faalomeipó. ⁵Diā feata, đęró sukata mo tuamó betó mole so whĩ ai betere ape. Đata, dikitamo ó diliki dolomó betere so whĩ meipó. ⁶Térapa, da mepaae noke fire whĩ kaae fió muni, kele diriyóló betere so whĩtóro bitu, đanétei da betere bete mo hotowaró kaae tanérapó. ⁷Ti noatepae, atima dikitamo noke fitere so whĩta, ti fitua yóo, topo dotere weĩ nokole so whĩkélé dilikitamo nóló topo doyóló hęko bitua yóo, dapó. ⁸Đata, đętamo betere so whĩpa, da betere bete đanétei hotowayóló kaae tawóló bitiępe. Téturaalu, bóe daai kuti wase su dere kaae, kisipa tiki tiró betere alaró yaala sókó fole alatamo atéro sóró betaalopó. Talené da aluyaosóro tao saaire alamó tuę muturaalu haĩné sukutere alata, bóe daai deratere dirii topo tao kaae deróló betenérapó. ⁹Ti noatepae, da so whĩta, Kótó a fopaae buturaalu, kwia melóló susupu eraai dapóló, sóró beterenitei, Tale Yesu Keriso tuamó betepa, tao sóró wisirai kisipa mutu sóró beteralépó. ¹⁰Đa tao saai a sukęleteita, da mo betere so whĩ ó sukęle so whĩkélé fea atamo betamó beterópóló kisipa mutu, yalépó. ¹¹Térapa, mió diāné ai du betere alatóro hałe yó taruraalu, diā Talené ala tuamó mo dirii Keriso so whĩ betaasepóló, diāsisu u tao su i tao su yóló, ketekę bulatere alakélé mo ti deté fu betae.

Mo kemeróturaalu i alarape yae yóló dere ma fo

¹²Norape-ó, Talené ala tuamó bitu, diā tęteróló kaae taruraalu, depe tukó wei kutó ditu betere whĩrapené dere ma fo wosóló, atima aęmó sukóló betae yóló i dere ape. ¹³Térapa, atima ai kutó ditu betereiteimó,

dią yaala sókó furaalu, atimané doi sóró horótu betae. Atéru, diaaę no netamo hosaa muni deyołó dua betó muae. ¹⁴Norape-ó, mepaae kutó dini, dekaýółó haęle betere so whıpaae dirii ma fo yóo, haşókó fole ala yaęsóró witu, fo tekeni kekółó fi betere so whı tao sóró ketekę bulóo, fotokę buni, bére so whı tao sóo, yae. Tétu, mepaae so whı haşókó fole ala depa, hapale foné só deréni, dua kaae taté fóo, mepaae dere ala so whı feapaae eróo dua yae. ¹⁵Téturaalu, mepaae so whıné yaępaae me dowi ala eratepa, naaomo aępaae tokę matere ala momókó yaęse. Téni, suka fea dięsisiwei wisi ala yó taru, u tao su i tao su dere ala, mepaae haęle betó mole so whıpaækélé eraté fu betae.

¹⁶⁻¹⁸Kae kae noa kaae ala dią tuępaae eratepakélé taaréni, haęné sukutere alakélé, momatere alakélé, Talepaae mo kée dere fokélé haęle yó tawae. Ti noatepae, Kótóné ama kisipané dią fea Yesu Keriso tuęmó bitu, ai alarape yóþółó kisipa mulapó.

¹⁹⁻²⁰Kale Deį Kepe Wisiné dó tare si surukę faréni yóo, Kótóné kęłó whırapené so whıpaae yó matere fo bete munire ęla aęrółó faleyoó du betaęse. ²¹Ai dere fo fea wisirémółó kęae kolółó, taleyołó mo bete mole fo maaté wosółó eró tawae. ²²Ai du betere kae kae dowi alané dią só deraęsórópa, hotowayołó kaae taruraalu, woleyółó betae.

²³Tétu, hosaa muni deyołó dua betere ala eratere Tale Kótóné amatei, diaaę betere ala mo turó wisirółó, mo kae betere so whı beteróþółó yae. Ti atétere alata, diaaę kepekélé, asoró mo tikitamokélé, mo turó me dowi alatamo hosekéni, mo donoi so whı bitiré fółó, daę tęterółó kaae tare whı Yesu Keriso wale alimó sókó fıþółó yae. ²⁴Diępaae ape du betere sekęné ama dięmó eraalopó du betere ala haşókó feni, mo eraalo ai ape.

²⁵⁻²⁶No nerape-ó, Talené daę tao sóþółó, momatere ala du betae. Aimó betó mole no nerapepaae kęleó duraalu, dowi ala mo betakélé munire so whıné apuółó kęłó tukó nokole ala du betae. ²⁷I aęęta, ai be huluamó betó mole Keriso no nerape feané wosóþółó, dosęayae yółó Talené keletómó, yałó diępaae i dere ape.

²⁸Daę tęterółó kaae tare whı Yesu Kerisoné hamokorółó haęle tao sere ala wisi dią tuęmó mulóþółó yae.